



## Thirrje për Aplikim – Young Cell Scheme Raundi XVI

### Programi i BE-së për bursa post-diplomike

**Zyra e Bashkimit Evropian** në Kosovë dhe **Zyra e Kryeministrit të Qeverisë së Kosovës** lajmërojnë hapjen e konkursit për Raundin XVI të aplikimit për Young Cell Scheme, program i BE-së për bursa post-diplomike për qytetarët e Kosovës, i cili implementohet nga Konsorciumi: Universiteti Aristotel i Selanikut, Greqi dhe Instituti Kombëtar për Shërbime Publike, Francë. Aplikimi do të jetë i hapur nga dita **e hënë, 9 shkurt 2026** deri të **hënë, 9 mars 2026 në ora 17:00**. Programi i Bursave, **gjuha e punës e së cilit është gjuha angleze**, do të ofroj **37** bursa të plota (numri real i bursave të ofruara mund të ndryshoj varësisht nga përshtatshmëria e kandidatëve dhe fondet në dispozicion). Kjo thirrje është e hapur për publikun e gjerë dhe për nëpunësit civilë të cilët janë diplomuar me diploma të përcaktuara në **Rregullat e Procedurës të disponueshme në faqen zyrtare të programit në <https://ycskosovo.org>**, në përputhje me sektorët e mëposhtëm:

Kjo ftesë do të jetë e hapur për publikun e përgjithshëm dhe shërbyesit civil në fushat e mëposhtme:

- ◇ **Integrim Evropian dhe Planifikim i Politikave** - deri në **14 bursa në dispozicion**
- ◇ **Juridik** - deri në **8 bursa në dispozicion**
- ◇ **Ekonomi** - deri në **7 bursa në dispozicion**
- ◇ **Digjitalizim** - deri në **4 bursa në dispozicion**
- ◇ **Inxhinieri** - deri në **4 bursa në dispozicion**

Të drejtë konkurimi kanë aplikantët të cilët janë:

- ◇ **Shtetas të Kosovës** me pasaportë të vlefshme të Kosovës apo me letërnjoftim të lëshuar nga Autoritetet Kosovare ose ata të cilët ofrojnë dëshmitë e lindjes dhe të vendbanimit në Kosovë (**vini re: çertifikata e lindjes dhe çertifikata e shtetësie** kërkohe në rastet kur në asnjë mënyrë nuk mund të sigurohet pasaporta apo letërnjoftimi).
- ◇ Të diplomuarit në njërin nga fushat e studimeve që iu përkasin sektorëve
- ◇ **Flasin rrjedhshëm gjuhën angleze** dhe shqipe apo serbe.
- ◇ Janë lindur më 1 janar 1991 apo më vonë

Bursat do të mbulojnë shpenzimet, si në vijm:

- ◇ Shpenzimet e aplikimit dhe të shkollimit
- ◇ Shpenzimet e jetesës
- ◇ Shpenzimet e vizës & sigurimin shëndetësor
- ◇ Nje bilete e udhëtimit kthyes
- ◇ Trajnimi përgatitor i gjuhës angleze për- dhe shpenzimet e testit të gjuhës angleze IELTS (në rast se studimet do të bëhen në një gjuhë tjetër të BE-së, testet e tjera të kërkuara të gjuhës gjithashtu mund të rimbursohen)

Pjesëmarrësit e përzgjedhur do të zotohen të:

- ◇ Të jenë në dispozicion për t'iu nënshtruar trajnimit/praktikës nga muaji prill 2026 e tutje dhe për të lëvizur jashtë vendit nga gusht – tetor 2026 deri në përfundimin e përfundimit të parashikuar të studimeve.
- ◇ Punojnë për Administratën Publike të Kosovës si praktikant për deri në katër (4) muaj para nisjes, përveç shërbyesve civil të cilët veç janë të punësuar në Administratën Publike në Kosovë dhe kandidatëve që mund të dëshmojnë të paktën katër (4) muaj përvojë profesionale përkatëse;
- ◇ Ndjekin Programin e Trajnimit të gjuhës në kuadër të YCS (ku është e nevojshme)
- ◇ Ndjekin dhe kryejnë studimet e zgjedhura post-diplomike jashtë vendit
- ◇ Përbushin obligimin e punësimit apo ripunësimit (nëse janë shërbyes civil) të pandërprerë trevjeçar në Administratën Publike të Kosovës, pas kthimit.

Përzgjedhja do të zhvillohet në tri faza dhe përfshinë:

- ◇ Para-përzgjedhja bazuar në kriteret administrative dhe të përzgjedhshmërisë





- ◊ Testet me shkrim (i njohurisë së gjuhës angleze, njohuri të përgjithshme të BE-së dhe vlerësimi verbal & numerik)
- ◊ Intervistë nga paneli i përbërë nga akademikë nga universitete të përzgjedhura të BE-së. Përfaqësuesit e ZBE dhe të QK mund të marrin pjesë në intervistë si vëzhgues.

E gjithë procedura e përzgjedhjes do të zbatohet në përputhje me Rregulloren e re (MPB) Nr. 04/2024 për Përfituesit nga Skemat e Bursave në Shërbimin Civil (<https://qzk.rks-gov.net/ActDetail.aspx?ActID=97669>).

Përfaqësuesit e komunitetit jo shumicë të ndryshme fuqimisht inkurajohen të aplikojnë. Formularët e aplikimit, Rregullat e Procedurës dhe të gjitha dokumentet tjera përcjellëse do të dërgohen përmes email-it tek të gjithë kandidatët e interesuar, pas regjistrimit në web faqen vijuese <https://ycskosovo.org> deri **të hënë, 9 mars 2026 në ora 17:00.**

**Rregullat e Procedurës së bursave YCS Raundi XVI, duke përfshirë duke përfshirë Kodin e Sjelljes, kriteret e përzgjedhjes dhe procedurave përkatëse duhet të lexohen dhe të kuptohen përpara dorëzimit të aplikacionit.** Rregullat e Procedurës së YCS Raundi XVI janë në dispozicion në <https://ycskosovo.org>

Kandidatët e suksesshëm do të ndjekin studimet në programe master në universitete të shteteve anëtare të BE-së. Universitetet dhe programet e pranueshme duhet të jenë ligjrisht të themeluara dhe të akredituara në një Shtet Anëtar të BE-së dhe të japin diploma që janë zyrtarisht të njohura si pjesë e sistemit kombëtar të arsimit të lartë të vendit ku përfundojnë studimet. Programet e ofruara nga institucionet jashtë BE-së, duke përfshirë degët, programet e përbashkëta ose transnacionale, dhe programet e mësimi në distancë që menaxhohen kryesisht jashtë BE-së, nuk janë të pranueshme. Pjesëmarrja në Young Cell Scheme nuk garanton automatikisht njohjen ose nostrifikimin e diplomës në Republikën e Kosovës, gjë që mbetet subjekt i procedurave të autoriteteve kompetente.

Aplikuesit duhet të kompletojnë në **gjuhën angleze Formularin e Aplikimit YCS RXVI, CV-në formatin Europass** dhe duhet të bashkangjesin në Aplikacion **Letrën Motivuese** të nënshkruar dhe me datë (duke shpjeguar se pse ata dëshirojnë të marrin pjesë në Skemë) dhe të përgatisin një **Deklaratë** ku dëshmojnë se të gjitha dokumentet e dorëzuara janë të sakta. Të gjithë aplikantët në Aplikacionet e tyre po ashtu duhet të përfshijnë **kopjet e diplomave apo titujve të fituar dhe origjinalin (ose kopjet e çertifikuara të) transkripteve dhe kopjen e pasaportës së vlefshme/letërnjoftimin lëshuar nga autoritetet e Kosovës ose dëshmitë tjera të lindjes dhe të vendbanimit në Kosovë.**

Në rastin e **kandidatëve të cilët janë në përfundim të studimeve**, ata me aplikacion duhet të bashkangjesin **kopjen origjinale të përditësuar (ose të çertifikuar) të transkriptit të notave me provime dhe një deklaratë të përgatitur nga vetë kandidati në lidhje me datën e pritjes të diplomimit.**

Sigurohuni të shënoni në **formularin e aplikimit YCS RXVI dhe në CV –në e formatit Europass një email adresë të VLEFSHME dhe numër të telefonit.** Të gjitha komunikimet me kandidatët do të bëhet vetëm përmes e-mailit. **Formati i CV-së Europass, formulari i aplikimit YCS RXVI dhe Rregullat e Procedurës së YCS RXVI do të dërgohen përmes email-it duke u regjistruar në webfaqen zyrtare të YCS dhe duke plotësuar formularin e aplikimit.**

***Vini re: Aplikacionet e pakompletuara (mungesa e CV-së, e formularit të aplikimit dhe letrës së motivimit), aplikacionet të cilat nuk janë në gjuhën angleze dhe aplikacionet të cilat nuk përfshijnë CV-në e formatit Europass nuk do të shqyrtohen dhe do të përjashtohen automatikisht nga procedura e përzgjedhjes!***

**Afati i fundit për aplikim: E hënë, 9 mars 2026, ora 17:00**

Aplikacionet e pranura pas përfundimit të këtij afati nuk do të merren parasysh në çfarëdo rrethane.

**APLIKACIONET DUHET TË DORËZOHEN ONLINE në dosje të kompresuar (të gjitha dokumentet në formatin PDF në një dosje Zip), përmes këtij linku:**

<https://ycskosovo.org/index.php/en/apply>

**ose në rast vështirësishë teknike aplikacionet mund të dorëzohen edhe në kopje fizike në zarf të mbyllur në adresën e mëposhtme:**





Young Cell Scheme – Aplikacion i Raundit XVI, Rr. Behije Dashi, Nr.14, kati 6, Aktash, Prishtinë 10000  
Kosovë, Tel. +38349444357

*Ju lutemi mos bëni kërkesa të drejtëpërdrejta lidhur me aplikacionin tuaj.*

**Kandidatët që nuk kontaktohen deri të shtunën, me 14 mars 2026 nuk kanë arritur të kalojnë fazën e para-përzgjedhjes dhe që nuk kanë hyrë në listën e ngushtë për të marrë pjesë në provim me shkrim.**

Për më shumë informata mund të konsultoni <https://ycskosovo.org> ose shkruani në [info@ycskosovo.org](mailto:info@ycskosovo.org)

Lidhuni me YCS ne Mediat Sociale:



Young Cell Scheme  
Scholarship  
Programme



Youngcellscheme



Young Cell Scheme



Young Cell Scheme

*“Young Cell Scheme” është një projekt i bursave, i bashkëfinancuar nga Bashkimi Evropian dhe Qeveria e Kosovës dhe i zbatuar nga Konsorciumi i Universitetit Aristotel të Selanikut, Greqi dhe Instituti Kombëtar për Shërbim Publik, Francë.*

